



CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A CONTINUIDADE DAS ACTUACIÓNS PARA A CESIÓN AO CONCELLO DE VIGO DA TITULARIDADE DA “E.P. 2001 CALVARIO LA GARRIDA. TRAMO IGLESIA DE BEADE A GARRIDA (PO-330). LUGAR DE PORTO, ENTRE REGATO QUINTIÁN E O Nº 77 DA ESTRADA DO PORTO”, E PARA O FINANCIAMENTO E EXECUCIÓN DAS OBRAS PRECISAS PARA A SÚA TRANSFORMACIÓN E AMPLIACIÓN

DOCUMENTO ASINADO ELECTRÓNICAMENTE POR:



CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A CONTINUIDADE DAS ACTUACIÓNS PARA A CESIÓN AO CONCELLO DE VIGO DA TITULARIDADE DA “E.P. 2001 CALVARIO LA GARRIDA. TRAMO IGLESIA DE BEADE A GARRIDA (PO-330). LUGAR DE PORTO, ENTRE REGATO QUINTIÁN E O Nº 77 DA ESTRADA DO PORTO”, E PARA O FINANCIAMENTO E EXECUCIÓN DAS OBRAS PRECISAS PARA A SÚA TRANSFORMACIÓN E AMPLIACIÓN

En Vigo, na data da sinatura electrónica

INTERVEÑEN

Dunha parte, D^a María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como Presidenta deste organismo e en función das atribucións que lle confiren o artigo 34 da Lei 7/1985, de 2 de abril, reguladora das bases do réxime local, e o artigo 105 da Lei 5/1997, de 22 de xullo, de administración local de Galicia.

Doutra, D. Abel Caballero Álvarez, quen actúa no nome e representación do Concello de Vigo, en virtude da súa condición de Alcalde-Presidente da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, no artigo 61.1 da Lei 5/1997, de administración local de Galicia e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Actúan D. Carlos Cuadrado Romay, en calidade de secretario xeral da Deputación de Pontevedra, e D^a Susana Gallardo Fariña, en calidade de Secretaria de Administración Municipal do Concello de Vigo, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,



EXPOÑEN

I.- A Deputación de Pontevedra e o Concello de Vigo comparten como criterio que os concellos, como administración democraticamente escollida, deben ser os axentes protagonistas e os eidos administrativos aos que ten que corresponder a decisión, o deseño e o impulso da acción local e do desenvolvemento das políticas locais; ao tempo que, as deputacións, deben actuar como institucións que desenvolvan políticas, plans e actuacións que faciliten que concellos e cidadáns poidan acadar os mesmos dereitos e servizos.

II.- Que no ámbito das actuacións da mellora da mobilidade e a seguridade vial o Concello de Vigo e a Deputación Provincial de Pontevedra veñen desenvolvendo unha proposta de colaboración conxunta, no ámbito das súas propias competencias e de acordo cos principios de cooperación económica, técnica e administrativa tanto en servizos locais como en asuntos de interese común regulados no marco da Lei 7/1985, de 2 de abril, reguladora das Bases de Réxime Local, así como na Lei 40/2015, de 1 de outubro, de Réxime Xurídico do Sector Público; colaboración que se iniciou coa sinatura, en data de 30/12/2016, do Convenio de Colaboración entre o Excmo. Concello de Vigo e a Excma. Deputación de Pontevedra para regular as actuacións para a Cesión ao Concello de Vigo da titularidade da “E.P. 2001 Calvario a Garrida. tramo Iglesia de Beade a Garrida (PO-330). lugar de Porto, entre regato Quintián e o nº 77 da estrada do Porto”, e para o financiamento e execución das obras precisas para a súa transformación e ampliación. O citado convenio foi prorrogado na súa vixencia por medio da sinatura de tres addendas. A primeira, asinada con data 21 de decembro de 2018, que prorrogou o prazo do convenio ata o 31 de decembro de 2020, a segunda asinada con data 27 de decembro de 2019, que prorrogou o prazo do convenio ata o 31 de decembro de 2021 e a terceira asinada con data 3 de decembro de 2021, que prorrogou o prazo do convenio ata o 15 de outubro de 2022.

III.- Atopándose próxima a finalización da vixencia do devandito convenio, sen prexuízo da necesidade de cumprimento das obrigas pendentes nadas durante a vixencia do mesmo, e persistindo, aínda, a necesidade de concluír a consecución dos obxectivos a que respondía o dito convenio, extinguido polo vencemento do seu prazo máximo, procede dar continuidade á colaboración iniciada entre a Excma. Deputación Provincial de Pontevedra e o concello de Vigo, mediante a sinatura dun novo convenio, co obxecto





de establecer as pautas de colaboración entre ambas Administracións locais para garantir a continuidade destas actuacións, adecuando as obrigas de ambas administracións e así, poder finalizar o proxecto que busca a transformación e ampliación. “E.P. 2001 Calvario a Garrida. tramo Iglesia de Beade a Garrida (PO-330), a cal hoxe en día, superadas todas as incidencias sobre a cesión das propiedades vinculadas a execución desta obra, se pode indicar que coa aprobación do modificado nº1 deste proxecto, quedan solventadas todas as necesidades para a finalización desta obra.

IV.- - Que o artigo 25.2.d) da Lei 7/1985, de 2 de abril, reguladora das bases do réxime local atribúe ás Administracións Municipais a competencia en materia de infraestrutura viaria e outros equipamentos da súa titularidade.

Por outra banda, o art. 36.1) da Lei 7/1985, de 2 de abril, reguladora das bases do réxime local encomenda ás deputacións o aseguramento da prestación integral e adecuada dos servizos de competencia municipal; competencia en relación coa cal a Deputación Provincial de Pontevedra, ten previsto na súa planificación a mellora á transformación sostible da infraestrutura viaria dos concellos da provincia.

V.- Que os convenios entre as Administracións Públicas constitúen o instrumento axeitado para desenvolveren a súa cooperación en cuestións de interese común, tal como establecen os artigos 47 e seguintes da Lei 40/2015, do 1 de outubro, do réxime xurídico do sector público, o artigo 57 da Lei 7/1985, de 2 de abril, reguladora das bases do réxime local, os artigos 198 e seguintes da Lei 5/1997, de 22 de xullo, de administración local de Galicia, así como co disposto nos artigos 28.1 da Lei 38/2003, de 17 de novembro, xeral de subvencións, e 26.1 da Lei 9/2007, de 13 de xuño, de subvencións de Galicia.

VI.- Por todo o anteriormente exposto, ambas as partes manifestan expresamente o seu propósito de asinar o presente convenio de colaboración de referencia co obxecto de proceder a dar continuidade as actuación e así, poder finalizar o proxecto que busca a transformación e ampliación. “E.P. 2001 Calvario a Garrida. tramo Iglesia de Beade a Garrida PO-330”, conforme aos seguintes:

PACTOS

PRIMEIRO.- OBXECTO DO CONVENIO



É obxecto deste convenio facilitar a continuidade destas actuacións, adecuando as obrigas de ambas administracións e así, poder finalizar o proxecto que busca a transformación e ampliación. “E.P. 2001 Calvario a Garrida. tramo Iglesia de Beade a Garrida (PO-330), a cal hoxe en día, superadas todas as incidencias sobre a cesión das propiedades vinculadas a execución desta obra, se pode indicar que coa aprobación do modificado nº1 deste proxecto, quedan solventadas todas as necesidades para a finalización desta obra.

Os investimentos vinculados ao novo convenio atópanse definidos no Modificado nº 1. CONTRATO DE OBRAS DE HUMANIZACIÓN ESTRADA PROVINCIAL 2001- CALVARIO A GARRIDA. DE BEADE A GARRIDA (PO-330), LUGAR DE PORTO., aprobado pola Xunta de Goberno Local de data 6 de outubro de 2022. Así mesmo o alcance das obrigas económicas deste convenio terán en conta como custes asociados a obra, aquelas asistencias técnicas vinculadas as direccións de obra e coordinación de seguridade e saúde.

SEGUNDO.- IMPORTE E FINANCIAMENTO

1.- O importe ao que se refire o presente convenio ascende á cantidade de “UN MILLÓN DOUSCENTOS NOVENTA E UN MIL OITENTA E TRES EUROS CON TRINTA E UN CÉNTIMOS” (1.291.083,31 €), incluíndo os gastos da execución das obras, así como os gastos asociados á obra en relación ás asistencias técnicas sobre a coordinación de seguridade e saúde e a asistencia técnica á dirección da obra, correspondéndose co seguinte escenario económico:

Expediente	Importe
Expte.4472/440 CONTRATACIÓN DOS SERVIZOS PARA A REDACCIÓN DO PROXECTO DE HUMANIZACIÓN DA ESTRADA PROVINCIAL EP-2011 CALVARIO A GARRIDA. TRAMO IGREXA DE BEADE A GARRIDA (PO-330). LUGAR DE PORTO 77.	77.924,00 €
Expte.108/441 CONTRATO DE OBRAS DE HUMANIZACIÓN ESTRADA PROVINCIAL 2001- CALVARIO A GARRIDA. DE BEADE A GARRIDA (POR 330), LUGAR DE PORTO.	2.455.119,39 €
Modificado nº 1. CONTRATO DE OBRAS DE HUMANIZACIÓN ESTRADA PROVINCIAL 2001- CALVARIO A GARRIDA. DE BEADE A GARRIDA (POR 330), LUGAR DE PORTO.	553.796,17 €
Previsión art 242.4.i da LCSP	245.500,00 €
495/441 - CONTRATO MAIOR SERVIZOS ASISTENCIA TÉCNICA Á DIRECCIÓN DE OBRA MUNICIPAL PARA O CONTROL E SEGUIMENTO DA EXECUCIÓN DAS OBRAS DE HUMANIZACIÓN DA E.P. 2001 CALVARIO LA GARRIDA. TRAMO IGLESIA DE BEADE A GARRIDA (PO-330). LUGAR DE PORTO, ENTRE REGATO QUINTIAN.	81.638,00 €



COORDINACIÓN DE SEGURIDADE E SAÚDE DAS OBRAS DE HUMANIZACIÓN DA ESTRADA PROVINCIAL EP-2001 CALVARIO LA GARRIDA, TRAMO IGREXA DE BEADE A GARRIDA (PO330), LUGAR DE PORTO. (*) Solo executado 2551,58 €.	2.551,58 €
COORDINACIÓN DE SEGURIDADE E SAÚDE DAS OBRAS DE HUMANIZACIÓN DA ESTRADA PROVINCIAL EP-2001 CALVARIO LA GARRIDA, TRAMO IGREXA DE BEADE A GARRIDA (PO330), LUGAR DE PORTO.	5.700,62 €
Coordinación seguridade e Saude para a execución do proxecto modificado nº1:	3.025,00 €
IMPORTE TOTAL DA PREVISIÓN DA EXECUCIÓN:	3.425.254,76 €
IMPORTE XA EXECUTADO E CERTIFICADO ATA O 15/10/2022	2.134.171,45 €
CRÉDITOS NECESARIOS PARA A FINALIZACIÓN DAS ACTUACIÓNS:	1.291.083,31 €

3.- Neste novo convenio unifícanse os compromisos económicos que neste convenio asumen as partes cos derivados do convenio inicial, pendentes de cumprimento, asinado entre as partes con data do 30/12/2016 e as súas addendas, que fixan como data final de vixencia do convenio inicial o vindeiro 15/10/2022; obrigas nacidas do primeiro convenio, pendentes de cumprimento, que se renovan no presente.

4.- Obrigas económicas para a Deputación Provincial de Pontevedra:

A Deputación Provincial de Pontevedra comprométese a achegar, para a execución dos investimentos previstos neste convenio en relación a execución das actuacións para finalizar o proxecto que busca a transformación e ampliación “E.P. 2001 Calvario a Garrida. tramo Iglesia de Beade a Garrida (PO-330), e vinculados o proxecto Modificado nº 1, a contía de CINCOCENTOS NOVENTA E SETE MIL CATROCENTOS SESENTA EUROS CON CINCUENTA E CINCO CÉNTIMOS (597.460,55 €). O financiamento comprometido pola Deputación Provincial de Pontevedra terá carácter de achega definitiva e fixa para á execución do convenio, polo cal calquera modificación ou incremento de custes sobre esta previsión será afrontada directamente polo Concello de Vigo.

O pagamento do importe referido se realizará contra a seguinte aplicación:

22/942.9420.762.14	597.460,55 €
Total:	597.460,55 €

Así mesmo en relación as obrigas derivadas da execución das actuacións contempladas na addenda nº 2 do anterior convenio, a Deputación Provincial comprométese a realizar os pagos correspondentes as actuación xa executadas e pendentes de liquidar por un



importe máximo de 1.822.442,95 €, para o cal se dispoñen dos créditos nas aplicacións 22/942.9420.762.14.2016 e 942.9420.762.14.2017.

5.- Obrigas económicas para o Concello de Vigo:

O Concello de Vigo comprométese a achegar, para a execución dos investimentos previstos na cláusula segunda deste convenio en relación a execución das actuacións para finalizar o proxecto que busca a transformación e ampliación. “E.P. 2001 Calvario a Garrida. tramo Iglesia de Beade a Garrida (PO-330), e vinculados o proxecto Modificado n^o 1, a contía de SEISCENTOS NOVENTA E TRES MIL SEISCENTOS VINTEDOUS EUROS CON SETENTA E SEIS CÉNTIMOS (693.622,76 €), de acordo co seguinte estado de execución das obrigas inicial do convenio vixente, polo cal se obriga o cumprimento do marco financeiro establecido que indica: “... o Concello de Vigo comprométese en financiar calquera modificación ou alteración que se produza no ámbito de execución deste obra e que leve implícito un maior gasto en relación o financiamento indicado”. Polo cal comprométese a achega de dita cantidade de acordo co seguinte resume de execución:

Créditos pendentes do marco financeiro inicial	102.195,50 €
Novas obrigas derivadas do incremento do novo convenio	591.427,26 €
Total:	693.622,76 €

A tal fin, e para garantir a estabilidade do financiamento do convenio, a achega do Concello de Vigo será financiada con cargo os créditos da aplicación 1532.619.00.09 no vixente orzamento 2022, e de acordo a execución indicada anteriormente. Así mesmo polo tendo en conta o condición da achega da Deputación de Pontevedra, polo cal calquera modificación ou incremento de custes sobre o marco financeiro previsto, será afrontado directamente polo Concello de Vigo.

6.- Non obstante, calquera variación das anualidades da execución previstas, poderá dar lugar ao reaxuste das anualidades do presente convenio, a cuxo efecto o Concello de Vigo, previa proposta da Comisión de Seguimento do convenio, dará audiencia á Deputación Provincial no expediente que se inicie para o reaxuste das anualidades e da resolución que se dite.

TERCEIRO.- EXECUCIÓN DO CONVENIO



- 1.- A execución das actuacións e dos contratos a que o presente convenio se refire e o seu financiamento polas partes asinantes terá lugar durante os anos da vixencia do convenio de acordo coas obrigas de financiamento indicadas no pacto segundo.
- 2.- O Concello de Vigo remitirá copia dos proxectos definitivos á Deputación Provincial para o seu coñecemento.
- 3.- O Concello de Vigo comunicará á Deputación Provincial a data e hora en que terá lugar, o acto de recepción desta, ao que asistirá, de consideralo procedente a Corporación provincial, un representante ou facultativo desta. A Administración municipal remitirá á provincial copia da acta do acto de recepción e certificación da resolución do órgano competente aprobatoria da recepción da obra executada e da certificación final da mesma.
- 4.- Formalizado, de selo caso, o contrato, ou contratos, de servizos para a contratación de asistencia técnica á dirección das obras e a Coordinación de seguridade e Saúde, remitirase copia dos mesmos á Deputación Provincial así como dos abonos a conta que en execución dos mesmos se poidan producir.
- 5.- A Deputación Provincial poderá inspeccionar a execución das obras obxecto do presente convenio e as actuacións realizadas no marco do mesmo cando o teña por convinte, así como formular as observacións que estime pertinentes, sen prexuízo de que corresponda en exclusiva ao órgano de contratación e aos responsables dos respectivos contratos a emisión das ordes e instrucións que procedan.

CUARTO.- XUSTIFICACIÓN E PAGAMENTO

O Concello de Vigo asume a licitación, dirección, execución e recepción das obras contempladas na memoria técnica, e a súa xustificación perante a Deputación de Pontevedra.

O Concello de Vigo poderá realizar xustificacións parciais, que responderán ao ritmo de execución das obras, que se aboarán pola contía equivalente á/s xustificación/s presentada/s.

O importe correspondente á/s xustificación/s achegada/s, será reembolsado ao Concello mediante transferencia bancaria, unha vez que conste na Deputación a seguinte documentación:





- Contrato de adxudicación da obra.
- Acta de comprobación do replanteo.
- Orixinal ou copias compulsadas da/s factura/s expedida/s pola empresa adxudicataria dos traballos realizados.
- Certificación/s de obra executada. Xunto coa primeira certificación se remitirá unha proba gráfica da difusión dada ao investimento que se financia coa axuda da Deputación.
- Certificacións ou actos de aprobación/conformidade dos gastos polo órgano municipal.
- Nomeamento do Director de obra e coordinador de seguridade e saúde.

Así mesmo coa finalización das obras para a liquidación final das actuacións deberá ser aportada a seguinte documentación:

- Acta de recepción, unha vez rematado o investimento.
- Declaración do conxunto de axudas solicitadas, tanto as aprobadas ou concedidas como as pendentes de resolución, para a actividade obxecto deste convenio, das distintas administracións públicas competentes ou calquera dos seus organismos, entes ou sociedades.
- Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.

A/s certificación/s de obra, facturas ou documentos análogos acreditativos do gasto, e o resto da documentación xustificativa, serán verificadas polos servizos técnicos provinciais e fiscalizadas pola Intervención provincial antes de ser aprobadas e pagadas.

Así mesmo, as actuacións realizadas estarán sometidas á comprobación explícita da execución das obras por parte dos servizos técnicos da Deputación Provincial.

A comprobación material do investimento que se define no parágrafo anterior é un requisito imprescindible do que debe quedar constancia no expediente xustificativo.

QUINTO.- COMPROMISOS DAS PARTES

O Concello de Vigo obrígase a:





- Financiar a execución das obras obxecto deste convenio, asumindo as obrigas económicas correspondentes segundo os compromisos adquiridos, e de conformidade co previsto nos pactos segundo e terceiro. A tal fin dotará os recursos necesarios, na aplicación correspondente, para o financiamento das actuacións previstas neste convenio. Tendo en conta o carácter da achega da Deputación Provincial, calquera modificación ou incremento de custes sobre o marco financeiro deste convenio será afrontada directamente polo Concello de Vigo.
- Remitir á Deputación Provincial os proxectos técnicos vinculados co obxecto do convenio, así como de calquera modificación.
- Licitarse, executar, controlar e recibir as obras consonte ao correspondente proxecto técnico.
- Contratar, de selo caso, as asistencias técnicas á dirección de obra e coordinación de seguridade e saúde.
- Obter as correspondentes licenzas e tramitar ante outros organismos as autorizacións pertinentes que fosen precisas.
- Dar a adecuada publicidade a este convenio, de tal xeito de que quede constancia de que a obra obxecto do mesmo se levou a cabo en colaboración coa Deputación de Pontevedra.
- Destinar os fondos percibidos ao obxecto concreto para o que foron concedidos.
- Comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.
- Prestar a colaboración e facilitar tanta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ao Tribunal de Contas e ao Consello de Contas.

Asemade, o Concello de Vigo comprométese ao cumprimento das obrigas contidas na Lei 9/2007, do 13 de xuño, de subvencións de Galicia, e en especial as recollidas no artigo 11 da mesma. Tamén seralle de aplicación o recollido na Lei 38/2003, de 17 de novembro, xeral de subvencións e no seu Regulamento, aprobado polo Real Decreto 887/2006, de 21 de xullo.



Pola súa banda, a Deputación de Pontevedra comprométese a:

- Financiar a execución das obras obxecto deste convenio, asumindo as obrigas económicas correspondentes segundo os compromisos adquiridos, e de conformidade co previsto nos pactos segundo e terceiro. A tal fin disporá dos recursos indicados co carácter de achega finalista para a execución das mesmas, polo cal dita achega ten carácter fixa.
- Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden ao Tribunal de Contas e ao Consello de Contas, en cumprimento do disposto no artigo 53 da Lei 40/2015, de Réxime Xurídico do Sector Público e da Resolución Presidencial núm. 2017008767, de 8 de maio de 2017, tratándose asemade dun convenio cuxas achegas económicas exceden de 600.000,00€.

SEXTO.- PUBLICIDADE

En toda a documentación e información relativas ao obxecto deste convenio incluírase a imaxe corporativa que a este fin faciliten, en todos os formatos, a Deputación Provincial de Pontevedra e o Concello de Vigo, e nelas figurará de maneira destacada o financiamento da actuación por ambas administracións.

En todo caso as accións a desenvolver ao abeiro do convenio, deberán garantir un alto impacto e visibilidade da colaboración entre o Concello de Vigo e a Deputación Provincial de Pontevedra.

Por outra parte, en cumprimento do establecido na resolución de 10 de decembro de 2015, da Intervención Xeral da Administración do Estado, pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos e para garantir o dereito dos cidadáns a coñecer todas as subvencións convocadas en cada momento de cara a contribuír aos principios de publicidade e transparencia, a Intervención Xeral da Administración do Estado publicará na súa páxina web as subvencións concedidas, segundo o establecido nos artigos 20.4 e 20.8.b da Lei 38/2003, de 17 de novembro, xeral de subvencións.



SÉTIMO.- CONFIDENCIALIDADE E PROTECCIÓN DE DATOS

As partes comprométese ao intercambio de datos e información técnica para o cumprimento efectivo de todos s termos deste convenio coas garantías de confidencialidade que en cada caso se requiran e permanecerá exclusivamente no ámbito da relación das partes e do persoal técnico que colabore nas actividades, obrigándose a mantelo en réxime de confidencialidade por prazo indefinido e con independencia da duración do convenio.

Toda a información e documentación intercambiada no marco do convenio será propiedade das respectivas partes.

As actuacións obxecto deste convenio que impliquen o tratamento de datos de carácter persoal deberán respectar na súa integridade a normativa reguladora de protección de datos de carácter persoal.

OITAVO.- COMPATIBILIDADE CON OUTRAS SUBVENCÍONS

A achega económica prevista no presente instrumento, que ten carácter de subvención, será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da contratación subvencionada, para o cal de ser o caso se procederá a minorar proporcionalmente as cantidades a aportar por cada administración en relación ao importe adxudicado.

NOVENO.- COMISIÓN DE SEGUIMIENTO

Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por tres representantes de cada unha das Administracións asinantes, un dos cales terá carácter técnico.

Corresponderá á Comisión de Seguimento:

- ✓ A puntual recepción de información sobre tódalas actuacións que se produzan na execución dos contratos a que este convenio se refire.





- ✓ A coordinación entre as administracións asinantes na execución e financiamento do convenio, ditando ao efecto as instrucións oportunas.
- ✓ A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das administracións asinantes.
- ✓ A emisión de informe en relación coa necesidade do reaxuste da anualidade do convenio e en relación con cantas incidencias se produzan na execución do contrato a que este se refire.
- ✓ A formulación das propostas que procedan en relación ás cuestións a que os seus informes se refiran.

A Comisión de Seguimento reunirse cando o estime convinte o seu responsable, por decisión propia ou a petición de calquera dos seus membros. As súas reunións terán lugar na Casa do Concello de Vigo ou na Deputación de Pontevedra, segundo acorden as partes. Na súa reunión constituínte designarase ao responsable da mesma e ao seu secretario, que levantará acta das súas reunións.

DÉCIMO.- VIXENCIA

O presente convenio producirá os seus efectos desde a data da súa sinatura ata a total execución dos contratos a que o mesmo se refire, fixándose en todo caso un prazo de límite de execución co límite do 31/12/2023, fixándose un prazo de xustificación ata o 30/04/2024.

DÉCIMO PRIMEIRO.- EXTINCIÓN DO CONVENIO

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

- 1º.- O transcurso do prazo máximo de vixencia do convenio.
- 2º.- O acordo unánime dos asinantes.
- 3º.- O incumprimento das obrigas e compromisos asumidos por parte dalgún dos asinantes.

Neste caso, notificarase á parte incumpridora un requirimento para que, no prazo que se sinala, cumpra coas obrigacións ou compromisos que se consideran



incumplidos. Este requirimento será comunicado tamén ao responsable da Comisión de Seguimento.

Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos prexuízos causados.

4º.- Por decisión xudicial declaratoria da nulidade do convenio.

5º.- Por calquera outra causa distinta das anteriores prevista no convenio ou noutras leis.

DÉCIMO SEGUNDO.- RÉXIME XURÍDICO

O presente convenio ten natureza administrativa e rexerese pola Lei 38/2003, de 17 de novembro, xeral de subvencións e o Real Decreto 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do Real Decreto 887/2006; polos pactos que se conteñen neste convenio; as Bases de Execución dos orzamentos das Administracións asinantes; a Ordenanza Xeral de Subvencións da Deputación Provincial e as restantes normas de dereito administrativo, e no seu defecto, as normas de dereito privado.

O Concello de Vigo e a Deputación Provincial de Pontevedra comprométense a resolver de maneira amigable calquera desacordo que poida xurdir no desenvolvemento deste convenio. Con todo, e no caso de aparición de discrepancias que non puideran resolverse a través da Comisión de Seguimento, será competente a Xurisdición Contencioso-Administrativa.

E en proba de canto antecede, as partes que interveñen asinan o presente convenio na data da sinatura electrónica.





O Alcalde-Presidente do Concello de Vigo

A Presidenta da Deputación de Pontevedra

Asdo.: Abel Caballero Álvarez

Asdo.: M^a Carmen Silva Rego

A Secretaria de Administración Municipal do
Concello de Vigo

O Secretario Xeral da Deputación de
Pontevedra

Asdo. Susana Gallardo Fariña.

Asdo.: Carlos Cuadrado Romay

